



FOTO R. FEINER/52BESTEBAUTEN.CH

Igl ha anc letgs vids en claustra

■ (ls/fmr) La claustra dominicana a Glion è in bajetg da dimensiun monumental. Il complex per var 200 mungias (!) è vegnì constrüì l'onn 1969 (engrondi 1975) e reflectescha l'optimissem da la baselgia catolica suenter il Segund Concil Vatican. L'architect da Turitg Walter Moser, influenzà dal

maestro dal temp, Le Corbusier, ha stgaffi in bajetg cubic cun in tract da clausura en furma dad U ch'integrescha il mund muntagnard sco spazi meditativ. Las singulas cellas, laschadas en betun criv, accentueschan a moda brutalistica il caracter da construcziun. La baselgia, concepida sco cubus,

cun la stiva dal zain, resorta dominantamain ord la spunda.

La claustra dominicana a Glion è in da 52 edifizis che la Lia grischuna per la protecziun da la patria preschenta en il decurs da quest onn per sensibilisar per edifizis grischuns da valur culturala, bajetgs construids en ils onns 1950–2000.